

Dissertatio inauguralis medica de medicina emetica et purgante post iram veneno ... / [Daniel Gottwalt Tittmann].

Contributors

Tittmann, Daniel Gottwalt.
Hoffmann, Friedrich, 1660-1742.
Universität Halle-Wittenberg.

Publication/Creation

Halae Magdeburgicae : Typis Christiani Henckelii, [1721]

Persistent URL

<https://wellcomecollection.org/works/nsvkq4ve>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSERTATIO INAUGURALIS MEDICA,

DE

MEDICINA EMETICA ET PUR- GANTE POST IRAM VENENO,

QUAM

ADNUENTE DIVINI NUMINIS GRATIA,

IN ILLUSTRI ACADEMIA FRIDERICIANA,

GRATIOSÆ FACULTATIS MEDICÆ CONSENSU,

PRÆSIDE

DN. FRIDERICO HOFFMANNO,
COLLEGII MEDICI DECANO ET SENIORE,

PRO LICENTIA

Summos in arte medica honores, jura & privilegia Doctoralia capessendi,

D. FEBRUAR. M DCC XXI.

IN AUDITORIO MAJORI

HORIS ANTE ET POMERIDIANIS

publico Eruditorum examini submittit

DANIEL GOTTWALT TITTMANNUS,
GERSDORFFENSIS MISNICUS.

HALAE MAGDEBURGICAE,

Typis CHRISTIANI HENCKELII, Acad. Typogr.

ДИКИЙ ГОЛОС МАСТЕРА МАСТЕРСТВА

30

АМЕРИКА
СТАРИНА
МАСТЕРСТВА

СОВРЕМЕННОСТИ
СОВРЕМЕННОСТИ

СОВРЕМЕННОСТИ
СОВРЕМЕННОСТИ

СОВРЕМЕННОСТИ
СОВРЕМЕННОСТИ

СОВРЕМЕННОСТИ
СОВРЕМЕННОСТИ

СОВРЕМЕННОСТИ
СОВРЕМЕННОСТИ



DISSERTATIO INAUGURALIS MEDICA,
DE
MEDICINA EMETICA ET
PURGANTE POST IRAM
VENENO.

§. I.



Uemadmodum in the-
oria medica sive rationali rerum,
quæ ad medicinam pertinent, ex-
plicatione, plures adhuc depre-
henduntur errores & longe inter-
se dissidentes opiniones: ita etiam
in artis nostræ exercitio & usu
communes & perversos curationum modos ac gravia
in medendo errata non tantum ex improviso committi,
sed studio etiam foveri & ad humani generis pernici-
em sub veritatis aliquo prætextu propagari, vehemen-
ter sane dolendum esse existimo. Nam quo facilius,
si tantum in mente residet & consistit, inanis, confusa,
solidæ rationis expers & mere speculativa opinio tole-
rari potest, eo difficilius & gravius ferendum est, si ex-

tra mentem in actum deducatur atque in hominum detrimentum non raro irreparabile impendatur. Turpe quidem dictu est, sed tamen verissimum, usū quasi receptos & summe perniciales in praxi medica committi errores non a vulgo solum Practicorum, sed & a doctis & in celebritate versantibus medicis. Hos inter mihi maxime is carpendus videtur, cum, si quis graviori ira commotus minus recte valet & de anxietate circa præcordialem regionem, nausea & vomendi dispositione conqueritur, protinus ad evacuandum biliosum humorē, qui horum symptomatum causa & fons censetur, vomitorium vel purgans medicamentum porrigitur. Solent id remedii genus ut plurimum urgere ipsi ægrotantes, dum nausea premuntur sibique persuasum habent, evacuata bile, cuius sapor usque ad os saepius ascendit, mox se meliulcule habituros. Neque facile denegare potentibus id auxilii genus observamus medicos, præsertim eos, qui sibi imaginantur, naturam, sapientissimam corporis nostri conservatricem, intentam esse materiæ biliosæ per superiora educendæ, unde putant, ejus ductum sequi & adjuvare debere medicum. Verum enimvero, quam funesto & fatali eventu istiusmodi vehemens medicina evacuatoria tali in casu exhibetur, compluribus admodum tristibus exemplis, ubi lethalis ventriculi inflammatio brevi e medio ægrotantes sustulit, satis superque sumus edoceti. Quamobrem non sine ratione adserere contendimus, fortius emeticum & purgans pharmacum, post vehementiorem iram adiumentum, loco veneni esse habendum. Hanc itaque assertionem in præsenti Specimine Inaugurali ac-

accurate institutis observationibus & solidis rationum momentis ac demonstrationibus sub divino favore non sine singulari, quem inde accipient mortales, fructu stabilire ac firmare allaborabimus.

§. II.

Ante vero, quam instituti nostri rationem persequamur, non alienum nobis visum fuit, canonem illum practicum, in se satis eximum, dextre explicare & quam turpiter eo in praxeos exercitio plures medicorum minus solide ratiocinantium maximo cum ægrotorum damno abutantur, proponere. Evidem hic aphorismus practicus summum & antiquissimum professionis nostræ salutaris parentem auctorem agnoscit, qui passim in iis, quæ posteritati reliquit, monumentis inculcat, inque primis Sect. I. aph. 31. eo ducenda esse, quo maxime natura inclinet, quæ ducere oportet per convenientes locos. Quæ regula insignis alias usus male intellecta & applicata solenne errantium medicorum solet esse refugium. At vero valor hujus regulæ non ultra terminos est extendendus, uti exemplis jam subjungendis patebit. In insultu apoplectico & gravi ac violenta partium capitis læsione itomachum ad vomitum irritari, quotidianæ experientiæ res est. Si quis itaque medentium hanc ad vomitum inclinationem pro ductu naturæ habere & eum vomitoria medicina secundare velit, is certe non absque insigni ægrotantis damno id conficiet. Atrocibus ex calculo tormentis ordinario vomitum jungi, notum identidem in praxi est; nihil vero nocentius excogitari poterit, quam si quis ad illum naturæ motum promovendum emeticam

medicinam porrigere vellet. In principio quoque pestis, febrium malignarum & variolarum vel vomitus vel alvi fluxus ægrotantes infestant, ubi sane summæ esset res imprudentiæ, si quis hunc ductum naturæ vacuantibus & irritantibus adjuvare anniteretur. Cacheeticis, qui labem in visceribus contraxerunt, & hepar vel lienem infarcta & obstructa habent, sanguinis per venas fedis fluxus valde familiaris est, & levi ex causa, animi nempe vel corporis motu aut medicina quadam exagitantे suscitatur: tantum vero abest, ut ægrotantes inde solamen quoddam suarum miseriарum accipient, ut potius magnus virium languor conjungatur & vis morbi valde adaugeatur. Ecquis itaque pro ductu naturæ salutari, quem medicus omni modo secundare & promovere debeat, id genus excretionis aestimare velit? Tacemus sexcenta alia exempla male intellecti naturæ ductus, ubi medicus ministerio suo præcoci insigniter fallitur & fallit. Neque enim omnes excretiones vel motus, qui in corpore nostro contingunt, pro salutaribus naturæ ductibus a prudenti & perito medico haberri debent, quippe horum ea saepe est natura, ut potius vergant ad damnum & destructionem corporis, quam ad ejusdem curationem & conservationem.

§. III.

Maximam itaque partem prudentiæ medicæ in eo sitam esse arbitror, ut perniciosi & noxii motus apte probeque a salutaribus discernantur, utpote cum illi moderandi & sedandi sint, hi vero adjuvandi, imitandi & non sistendi, utique ex parte medici requiritur, ut motus hos sollicite ab invicem distinguat. Judiciuni

vero hac de re est arduum atque difficillimum: nisi enim quis corporis ægrotantis naturam, partium solidarum ac fluidarum constitutionem, viscerum & generis nervosi dispositionem prius exacte cognoverit atque perspexerit, nisi etiam causam, quæ motus & excretionum est effectrix, ejusque indolem plane prius exploraverit, vix in exactam & distinctam horum motuum cognitionem perveniet. In morbis acutis salutares naturæ ductus atque vacuationes criticas & laudabiles ab ipso ordine, tempore & successu motuum & maxime omnium ab ipso effectu, qui est virium augmentum & morbi decrementum, addiscimus. Ex hisce omnibus jam clare conficitur, quam graviter delinquant illi medici, qui accuratiori cognitione morborum causalrumque morbificarum neglecta & posthabita male fundatis & speculativis theorematibus inhærere malunt. Hisane in perpetua ignorantia versantur &, si ad lectum ægrotantis vocantur, ejusdemque corpus extraordinariis motibus vel excretionibus affectum vident, quid in cura faciendum vel omittendum sit, raro penetrant.

§. IV.

Quod vero non omnis naturæ motus pro salutari sit æstimandus, folenne satis & manifestum exhibet documentum ipsa præsens hæc, quam publicæ luci tradimus, dissertatio, ubi videbimus, a vehementiori animi motu provenientem constrictionem ductuum biliariorum & intestini duodeni, nec non dextræ & inferioris partis ventriculi cum inclinatione ad vomendum pessime pro salutari & secundando naturæ ductu atque conatu venditari. Evidem negari minime potest;

est, aliquando ventriculo & duodeno copiosa vitiosi, corrupti, viscidi ac biliosi humoris saburra, quæ nau- seam movet & appetitiam prosterat, obfesso, nihil utilius esse remedio emetico: sed longe diversa est ratio nostri argumenti, ubi in vitiosis iisque copiosis fodi- bus causa mali non residet, sed potius in magna agita- tione generis nervosi & constrictione ductuum biliariorum atque ipsius ventriculi a valentiori animi motu in- ducta, unde bilis etiam commoveri & sursum adscen- dere nititur. Hoc igitur in casu omnia ea, quæ nervo- fas partes magis exigitant, earumque motus anomalos plus excitant, non possunt non esse summe noxia. Po- namus quoque, ira impetuosiori liquorem biliosum in- genti copia ex ductibus hepatis ad intestinorum volu- men deferrī, ibique exonerari atque adeo ejus evacua- tionem indicari, non tamen video, quare hæc ipsa per superiora instituenda sit, cum humoris biliosi superab- undantis excernendi commodus & conveniens locus non sit œsophagus, sed potius alvina regio, per quam ordinario recrementa biliosa cum fecibus foras proji- ciuntur. Quapropter etiam in eo peccatur contra a- phorismum egregii usus practicum, qui ab Hippocrate Lib. I. aph. 21. adducitur & sic se habet: *quæ ducere oportet, quo maxime repunt, eo ducere oportet per convenientes lo- cos.*

§. V.

Ut igitur is error communissimus æque ac per- niciosissimus de administratione emeticorum ac pur- gantium drasticorum post iram paulo clarius eniteat & cuivis in oculos quasi incurrat, ea utique via nos pro- ce-

cedere oportet, qua in demonstrandis veritatibus medicis omnes, qui non perfuntorie, sed solide & scientifice res tractare norunt, uti solent. Jam vero ad veritates medicas stabilendas id maxime est necessarium, ut primo observationes & historiæ accuratæ & cum omnibus circumstantiis notatæ præmittantur, postea vero hæ ipsæ methodo analyticæ per connexa ratiocinia explanentur & resolvantur, ut hac ratione illud, quod demonstrandum erat, planum evadat. Inhærebimus itaque huic methodo & communicabimus potiores & notabiliores historias & observationes, quas hanc in rem collegimus & annotavimus. Singulas enim enumerare nimis longum foret, ut vastum opus vix sufficeret.

§. VI.

Prima igitur historia hæc esto. Juvenis nobilis triginata annorum, temperamenti cholerici, inter rixas cum sodalibus suis vehementi ira excanduit & vinum valde potens ac spirituosum, quod Sect vocant, superbibit; die sequenti intolerabiles præcordia obsident dolores, conatus perpetuus est ad vomendum & internum quendam sensum percipit, quasi aliquid ex ventriculo ascendere perque os exitum affectare vellet. Advocatur medicus, qui frequentius utebatur pharmacis chymicis in suis curationibus. Is sulphuris aurati antimoniaialis grana quinque porrigit in juscule, quo adsumto medicamine terna quidem vice vomuit abunde, sed absque levamine, utpote anxietates & angustiæ circa præcordia augmentum cœpere, vomitio quoque ulterior protinus desiit. Jungebatur præterea internus incre-

dibilis circa stomachi regionem ardor, partes externæ frigore, tremore & vellicatione quadam corripiebantur, ac sudor frigidus caput & pectus tenebat, pulsus percipiebatur nullus, mox ægrum mens deseruit, accesserunt convulsiones & intra decem horas mors vitam abstulit. Dissecto cadavere ventriculi fundus & duodenum valde inflammata conspiciebantur, maculis partim rubicundis, partim nigris hisce partibus inhærentibus; cetera viscera perfecte sana apparebant. Ejusdem quoque tenoris est sequens historia. Vir in statu Ecclesiastico constitutus, quadraginta & aliquot annos habens, indolis valde sensibilis & ad iram pronæ, faciei floridæ, rubicundæ, post vehementissimam iram conqueritur de anxietate & dolore pressorio ardente circa scrobiculum cordis versus latus dextrum, omnis ciborum appetentia est prostrata, noctem egit inquietam & facies incepit flavescere, adfuit perpetuus cum nausea conatus, sed tamen irritus ad vomendum. Hic petiit a medico consilium, qui grana tria tartari emeticæ præscribit in juscule pingui, calido sumenda: inde vero anxietates increscunt, vomit aliquoties, sed parum, conqueritur de incendio circa cordis regionem, inquietus est, mox lectum petit, mox surgit, de constrictione & summa anxietate præcordiorum lamentatio fere perpetua est. Præscribuntur antispasmodica castorina, clyster quoque adPLICatur & nitrofa atque anodyna identidem in usum vocantur, sed citra omne levamen, increscit potius virium languor, pulsus fit debilis & celer, extremæ partes inhorrescunt & frigidæ fiunt

fiunt, & tertio die æger misere periit, qui ante quatuor dies perfecta gaudebat sanitate.

§. VII.

Neque vero minoris considerationis sunt sequentes duæ historiæ. Femina in urbe finitima sana & vegeta, annorum quadraginta, ob damnum in re domestica per pessum vehementi ira exardescit & paulo post cibum ad sumit. Ab eo tempore conquesta est de languore, impotentia & tremore artuum, pressione atque angustia præcordiali, nausea, os est amaricans, facies, quæ ante florida erat, contracta, pallida & livida fit, tertio die a medico quodam juniore accipit medicinam emeticō purgantem in pulvere, qua sumta dejectiones crebras per superiora & inferiora habuit, postea de summo incendio interno instituit querelas, nullus est somnus, corpus valde inquietum, corpore erecto animi obrepit defectio perpetuo cum fastidio ciborum, præfertim carnis. Succedit postea respiratio difficilis, tussis & dejectio copiosa materiæ viscidæ, & lentus calor depascit vires & corpus. In consilium multos medicos adhibebat per aliquot menses decumbens, tandem vero polychrestis & vulgaribus remediis, herbarum decoctis & pinguedine canina successu temporis convalluit. Ante duos circiter annos vir primarius in vicinia æstate usus est acidulis Ægranis, postea ob varias motas lites cum consanguineo vehementi afficitur ira, a quo tempore perit edendi desiderium, dolor anxius & pressorius sub scrobiculo cordis circa dextrum latus urget, qui sese extendit ad umbilici usque regionem: consultit chirurgum, qui medicum simul egit, cuius au-

xilio s^epe usus est. Hic chirurgus cum percepisset, ægrum simul laborare alvo adstricta, habuit affectum pro colica, a qua alvo aperta mox remissio sit speranda. Ordinavit hinc pulverem salinum ex arcano duplicato, qui aliquot grana trochisorum alhandal una complectebatur. Sex inde habuit dejectiones, sed dolor, ardor & anxietas circa præcordialem regionem mirifice increverunt. Tertio die summe debilitatus fuit æger, pulsus deprehensus est valde imbecillis, celer & inæqualis, & inquietissime se gessit nullo somno vel quiete succedente, tandem mente fuit alienatus, paucis post horis omnis sensus & motus ipsum destituit, sopore gravi detentus multa fœtida & aquosa sine omni sensu per album reddidit, accesserunt convulsiones & quarto die vitam cum morte commutavit.

§. VIII.

Cum hæc omnia hic loci acciderent, scriptum est D. Præsidi ex Silesia de simili casu, ubi puerpera, quæ bene lochiis purgata est, vehementi ira commota sumvit pulverem ex antimonio diaphoretico, arcano duplicato & granis tribus trochisorum alhandal, inde præcedentibus summis præcordiorum anxietatibus, inquietudine, torninibus ventris cum dejectionibus, singultu, conatu ad vomendum, internorum ardore, extremorum frigore, tertio ab adsumto purgante die extineta est. Meminit etiam Præses, quendam ex præcipuis hujus civitatis chirurgis ante viginti aliquot annos intra breve temporis spatium e vita excessisse, quia post iræ affectum pulvrem emeticum sumvit, eique, cum non sufficientem operationem exeruisset, aliquot horarum intervallo pilulas,

ex

ex purgantibus valde acribus compositas, superingessit. Nolo jam longius commemorare tristissimum casum, qui pronuper hic loci contigit, ubi virgo nobilioris conditionis, sanguinei temperamenti, ex mensibus non rite fluentibus plethorica, post animi graviorem commotionem svasu feminæ cuiusdam dosin sumsis pilularum purgantium, quæ vocantur geschärffte Haupt-Pillen, & ab extracto hellebori nigri & trochiscis alhandal acrem suam purgantem vim mutuantur: inde mox oborta est inflammatio ventriculi, anxietas, alvi adstrictio, accessit inquietudo, febris, summa virium prostratio, delirium & septimo die mors, & post mortem cum foetore totius corporis intumescentia.

§. IX.

Ex hisce jam commemoratis historiis & observationibus practicis quisque medicorum, etiam qui judicio pollet non admodum acri & levi tantum rerum medicorum notitia est imbutus, haud difficulter colliget, ægotantes antea sanos, bene valentes nullaque labe in visceribus correptos, a nulla alia causa, quam ab ipsa ira & imprudentissima medicatione, partim per emetica, partim per acriora purgantia administrata, funestum effectum expertos fuisse. Equis enim hic non evidentissime per experientiam, optimam rerum magistram, hujus rei certitudinem ac veritatem perspicit? Si enim iram tam ingens turbatio functionum corporis, tainque gravia symptomata conseqvuntur, quæ a fortiori evacuante medicina non levantur, sed augmentum capiunt ac funestum sæpe numero eventum sortiuntur, quis non exinde satis firmiter argumentari posset, hujus catastrophes infe-

licis causas tam in iram, quam in hanc medicinam esse conjiciendas. Sed quia judicium, ex sola experientia & observatione desumtum, saepe fallax est, hinc solidiores medici, ut certitudo & scientifica veritas emergat, exigunt, ut experientia firmis & inconcussis rationibus ac demonstrationibus stabiliatur, id quod etiam jam breviter strictimque exequi animus est.

§. X.

Ut vero ordine procedamus, dicendum ante omnia erit de iræ effectu atque operatione in corpus humanum. Exposita enim iræ indole, facili opera postmodum rationes apparebunt, quare emetica & purgantia instar veneni sint habenda, si exhibeantur graviori ira correptis. Est vero ira ejus naturæ, ut vehementiori partium nervoso-musculosarum constrictione totum systema nervosum celerrime commoveat & systolem cordis eique contiguorum vasorum & tonum etiam partium fibrosarum universo in corpore mirifice adaugeat. Manifestum hujus rei, sanguinis nempe & fluidi nervi motus impetuosioris, testimonium & argumentum in ira percitis praebent pulsus intensio, respiratio concitator, sitis, calor, inflatio & rubor faciei, arteriarum capitis, praesertim circa tempora, major pulsatio & intumescentia, oculorum ferocia, tremor extreimarum partium & actionum mentis præcipitantia. Quidquid, uti ex practicis observationibus habemus, nihil æque celeriter febres acutas, biliosas, intermittentes inflammatorias concitare potest, ac ipsius iracundiaæ vehementior affectus. Deinceps ira spasmodica partium, qua agit, stricture vim suam in primis in ventriculum & intestina, ceu partes valde nervo-

nervosas & membranaceas exerit, unde tanto graviora exurgunt symptomata, quanto major est confusio ventriculi & intestinorum cum aliis partibus nervosis & universo fere corpore.

§. XI.

Peculiaris vero etiam iracundiae vis est in ductus biliarios & hepatis, siquidem eorum constrictione intensiori facile hepar scirrhosum redditur, imo non raro calculi in cystide fellea ac ductibus biliaris generantur. Habant hæc accidentia vix aliam originem, quam a libero motu & effluxu bilis fortiori hac stricture impedito. Contingit autem hoc potissimum ab ira suppressa, wenn man das Uergerniß, vt vulgo dicere amant, gleichsam in sich freßen muß, und den Zorn nicht kan ausschütten, ubi nimirum ultionis expetitæ deest occasio vel facultas, aut tristitia cuin metu simul juncta est.

§. XII.

Propter constrictiōnē quoque horum ductuum ieterus enascitur, qui facile postea temporis successu calculos& in vesica biliaria concretioni velificatur. Quando etiam bilis ab iræ affectu vehementius commovetur & copiose ex ductibus biliaris & cysticis in duodenum & ventriculum effunditur, ex ejus ibidem facta stagnatione & concepta per diuturniore morā a credine, nausea, vomitiones, diarrhœæ, cholericæ passiones, cephalalgiæ, anxietates, febres biliosæ, continuæ & intermitentes suscitantur. Hinc est peculiare illud iracundorum symptoma, quod in latere dextro sub scrobiculo cordis sentiant dolorem quendam constrictivum, in ore autem amarorem. Originem suam hæc pathemata non ali-
unde

unde ducunt, quam a motu bilis ejusque effusione in intestina impetuosiori, dum ductus biliarii, nervosis ac musculosis tunicis contexti, ab influxu spirituosi liquidi in nervis contenti citatiōri nimium compressi, ingentem quantitatem bilis exonerant & infundunt duodeno, unde etiam dependet inclinatio ad vomitum & diarrhoea, quam *Hildanus Cent. VII. Obs. XVIII.* annotavit, cum affirmat, alvum subductam fuisse ab ira, ac si pharmacum adsuītum fuisset. Quodsi bilis acrimonia delinquit & in hoc affectu nimium effunditur, intestinorum & ventriculi erosiones cum lenta febre sequente non raro vidimus. Imo, quo acrior est bilis, quo magis a statu suo naturali desciscit, eo nocentior etiam est ira, eoque etiam sæviora juncta habet symptomata.

§. XIII.

Denique ab intensiori partium nervearum & fluidarum per iracundiæ affectum reddito motu sive spasmo sanguis copiosior cum impetu ad certas partes pellitur, unde accidit, ut ex nimium distendantur & venarum ibi repentinum orificia aperiantur. Constat experientia practica, iram maximam habere facultatem enormes sanguinis excretiones sive per nares, sive per arteriæ pulmonalis aperturam, sive per venas ani & in feminis per uterus excitandi, cum primis in consuetis ac dispositis. Ita si quis in juventutis annis hæmorrhagiis narium fuit adsuetus, is ira ardenter in eandem promte potest incidere. Quis enim vel ex vulgo nescit, invadente hoc affectu vultum statim rubore suffundi & venas capitis, præsertim frontales, mirum quantum intumescere, non raro etiam illico sanguinem naribus copiose

piose effundi. Pariter vidimus, feminas ab iracundia in uteri hæmorrhagias collapsas vel etiam hæmorrhagias narium fuisse passas. Et hæc quoque est ratio, quare in senibus & plethoricis vehemens ira apoplexiam sanguineam, quæ fit ab arteriolis plexus choroidæi in capite perruptis, subito sæpe producat. Jam vero nunquam gravis facile congestio sanguinis ejusque effrenis effusio fit nisi a spalmodica eaque fortiori constrictione partium nervosarum & musculosarum.

§. XIV.

Evolutis hac ratione iræ effectibus modoque operandi deveniendum jam etiam est ad præcipuum dissertationis hujus momentum, ubi ostendendum, quare medicina purgans & emetica tantopere noceat in iræ affectu, ut veneni veri nomen jure obtainere queat. Prius vero, quam hanc rem plene decidamus, ratio tractationis nostræ expostulare videtur, ut de veri veneni indeole ac modo operandi pauca adjiciamus, ne commoda neglecta explicatione variis confusionibus, a quibus omnium errorum origo promanare solet, causam atque occasionem subministremus. Per venenum igitur hoc loco intelligimus materiam causticam, sale tenuissimo volatili acri instructam, quæ exigua in quantitate spasmos enormes in ventriculo & intestinis concitando sub truculentiorum symptomatum celerrimo decursu universam motuum vitalium œconomiam pervertit ac destruit, signis funestæ sphacelationis in cadavere relictis. Venena itaque vera pro fundamento suæ activitatis agnoscunt sal quoddam tenue, acre, summe causticum, quod membranaceo-nerveis ventriculi & intestinalium

fibrillis sese altius insinuat, illas lacinat, arrodit, inflamat & spasmodice contrahit. Celeriter vero & exigua in quantitate opprimit homines venenum: in causa hic absque dubio sunt vehementes spasticæ nervosi ac membranacei generis in universo corpore constrictiones, quibus fluidi nervi ac tenuioris sanguinis in organa motuum & sensuum influxus, quo cessante omne robur, tonus & motus partium perit, partim intercipitur, partim etiam ad alia loca majori copia compellitur. Symptomata, quæ a veneno concitantur, longe sunt truculentissima & spasmis unice debentur, qui non modo in ventriculo & intestinis consistunt, sed & in remotas partes, subtiliori sensu ac motu præditas, propagantur, unde a veneno deglutito observantur anxietates cardialgicæ, nausea, vomitiones, tormina atrocissima, diarrhææ, vel etiam alvus contumacissime clausa, singultus, constrictiones thoracis vehementes, angustia spirandi & summa præcordiorum anxietas, languor omnium vi-
rium, syncope cardiaca cum extremorum frigore & sudore frigido, debilis, celer planeque intermittens pul-
sus, convulsiones, epilepsia, inquietudines & deliria. Hæc sunt solennia ut plurimum venenorum sympto-
mata. Cadavera si dissecantur post obitum, conspectui sese offert intumescentia totius abdominis, maculæque purpureæ aut nigrae in ventriculo cum erosione & quandoque perforatione, & quæ sunt alia, reperiuntur. Hæc de veneno proprie sic dicto memorasse sufficient, prolixiorem qui desiderat hac de re explicationem, is consulere potest *D. Præsidis Pathologiam Rationalem Tom. II.*

Part.

Part. II. Cap. II. ubi venenorum doctrina per pulchre & graphice pertractata est.

§. XV.

Quod si igitur effectus emeticorum, post iracundiae affectum adsumtorum, probe pensitamus ac ponderamus, haud difficulter apparebit, illa ipsa non aliam, quam veri veneni operationem in corpore humano exercere, siquidem omnia emetica, praesertim quae ex antimonio preparata sunt, sale pollent subtili, acri, caustico inflammante, quod ventriculi & duodeni tunicis membranaceo-nerveis insidens, eas rodit ac spastice contrahit. Deinceps paulo largiori dosi data homines jugulant, ubi ventriculus male affectus est, celerrime, qualia exempla passim prostant, quae hic commemoratione angustia temporis prohibet. Imo, si symptomata ipsa, quae emeticorum deglutitionem consequuntur, penitus inspiciamus, illa identidem ab iis, quae venenum proprie sic dictum propinatum comitantur, plane non abludentia deprehenduntur. Adsunt enim protinus anxietates & praecordiorum constrictiones enormes, ardor circa stomachi regionem exquisitus, conatus ad vomendum inanes: partes extremae refrigescunt, tremere & convelli incipiunt, sudor frigidus caput vel pectus tenet, respiratio difficulter procedit, nullus est somnus, corpus jactitant ægroti & valde inquieti sunt, virium summa jungitur prostratio, alvi advertitur vel ingens adstrictio vel fluxio præter modum, pulsus est vel celer, debilis vel plane intermittens, mens alienatur, convulsiones oboriuntur & quae sunt hujuscemodi alia. Hæc, quae lethum inferunt, symptomata a violentiori

spasmo, qui universum fere partium membranacearum systema vehementius exagitat atque convellit, proficiisci, nemo facile in dubium revocabit. Ex quo sane non fallax de venenata post iram vomitoriorum indole de-promi potest argumentum. Accedit, quod post mortem aperto cadavere indubii virulentæ violentiæ characteres in conspectum veniant, uti ex sectione supra communicata patet, ubi ventriculi fundus & duodenum valde inflammata conspiciebantur, maculis partim rubicundis, partim nigris hisce partibus inhærentibus.

§. XVI.

Non minus periculi adferunt post iram administrata purgantia acriora & valentiora. Est enim illis eadem cum emeticis, imo ipso proprie sic dicto veneno perimendi ratio, siquidem subtili itidem & caustico, penetrante sale sunt instructa, & spasmos agendo inflammations in ventriculo & intestinis concitant, tragica producunt symptomata, celeriter interficiunt & post mortem sphacelationis funestæ signa in ventriculo ac intestinis relinquunt. Quoniam itaque emetica perinde ac purgantia, post iræ vehementiorem affectum intra corpus adsumta, spasmos faciunt & adaugent atque inflammationem fuscitant, deinde symptomata veneno alias familiaria inferunt, prætereaque celerrime vitam finiunt & post mortem stigmata veneno demortuorum similia in cadaveribus relinquunt; hinc utique recte concluditur, jure meritoque medicinam & emeticam & purgantem veneni in numero esse habendam, præsertim si ira correptis exhibeatur.

§. XVII.

§. XVII.

Emetica igitur & purgantia draistica post iram cum primis sunt damnoſa & ut plurimum morti tradunt ægrotantes. Quodsi enim ex superioribus repetimius, iram in spasmos ventriculum, duodenum & ductus hepatis conjicere, jam ex hoc colligere erit facillimum, in ejusmodi caſu nequaquam convenire vomitoria, cum ad spasmos teneras ventriculi fibrillas, ira modo laceſſitas, magis irritent & inflammationem acerbiorem inducant, vix ulla arte & ingenio medici expugnandam. Viderint proinde medici, quam recte, quam methodice, quamque prudenter faciant, si ventriculum ira commotum vomitoriis oppugnant atque exasperant. Tantum enim abeft, ut hæc remedia in hoc affectu aliquid expediant, ut potius ipsum dolorem atque morbum reddant longe ferociorem. Concedamus hoc omnino, ipsam naturam pronam ac proclivem tunc videri ad vomitum & ad hunc urgeri quasi ac stimulari, pyloro nempe fortiter se contrahente. Concedamus etiam, ipſos ægrotantes ut plurimum anceps hoc remedii genus anxie postulare & maximam in eo fiduciam ponere, dum fibi firmiter persuasam habent, evoluto e ventriculo hoc onere gravante & foras expulso, protinus se melius esse habituros. At vero hæc omnia, quibus allici posset incautus medicus ad dandum vomitorium, sagacem, prudentem & singula summa cum ratione ſufficientem philiatrum potius commonere debent, ut quovis modo emetica respuat & cane pejus ac angue illa ipsa tali in caſu abhorreat.

§. XVIII.

Nocent autem ira, huicque subjuncta emetica & purgantia maxime omnium iis, qui spasmis sic dictis hypochondriacis atque hystericas obnoxii sunt & doloribus cardialgicis multum vexantur. Ratio hujus rei non e longinquo petenda videtur, siquidem ejusmodi subiecta jam tum ob spasticam, qua premuntur interiores nerveæ partes, stricturam infirmata sunt vel ad inflammationem primum ac dispositum habent ventriculum cum annexis intestinis. Quodsi igitur graviori ira, quæ spasmis suas tragœdias ludit, corripiuntur, non posunt non spasmodicæ ventriculi contractiones augeri, quarum vero sævitia vomitorio vel purgante super ingestu adeo non mitigatur, ut potius paratissima hoc modo ad insuperabile incendum & totalem corporis interitum sternatur via. Cavendum itaque cum primis est, ne in ejusmodi personis ira debilitatis hujus generis remedia propinemus, ni funestum exinde expectare velimus eventum. Ob eandem quoque rationem emetica & alia fortiora evacuantia insigniter nocent, si circa paroxysmos febrium intermittentium exhibeantur, præsertim si forte iræ affectus præcesserit, quia tunc temporis ventriculo & primis vis spasmo exagitatis ad nauseam & vomitum est inclinatio. Obsunt præterea & ira & ejusmodi medicamenta omnibus debilioribus. Ita observavimus, eos, qui corpus antea per laxativa, purgantia, thermas & acidulas strenue purgaverant & hoc modo insignem ventriculi debilitatem sibi contraxerant, a summis post iram denuo emeticis vel purgantibus pessime se habuisse subque dirissima symptomatum facie

facie non ita multo post exspirasse. Valet id etiam in puerperis. Notum enim mihi est præter superius allatum exemplum puerperæ , quæ tertio a partu die iracundia affecta sumsit purgans e drafsticorum numero & intra duos dies, optimis quibusvis remediiis frustra adhibitis, misere periit.

§. XIX.

Deinceps & ira & emeticum vel purgans insignem noxam adfert feminis circa mensium instans tempus, inque viris , qui hæmorrhoidum fluxui adsueti sunt & imminentem eum expectant. Quuni enim solennes illæ & salutares per menses & hæmorrhoides fluxiones cum spasmis continuo fiant, facile patet , nocentissima tunc esse & purgantia & emetica, præsertim si post iram administrentur. Truculenta circa instans mensium tempus ab emeticis etiam non adeo validis exhibitis symptomata vidimus. In hæmorrhoidariis validior vomitus abscessus cum lenta febre excitavit. Ubi sanguinis congestio inclinat ad pectus, periculosa a validiori vomitu nasci solet hæmoptyxis. Tandem quoque ira & fortiora evacuantia potissimum iis nocent, qui paulo ante vino largius se inebriarunt incendiumque corporis copioso haustu frigido extinguere voluerunt : quandoquidem ex hisce facile spasmus accedit ventriculo & ejus dextræ parti pylori. A sumto emetico intolerabiles statim fiunt anxietates, vigiliæ continuæ incommodant, virium ingens sequitur lapsus; jungitur inquietudo , jactatio corporis & partes extremæ valde frigidæ fiunt.

§. XX.

§ XX.

Ultimo loco paucula adhuc adjicere lubet de præservatione incommodorum, quæ iram sæpenumero, siis vehementior paulo fuerit, presso pede inseguuntur. Prudentis hoc in casu medici est, ut spasmos, in ventriculo & duodeno exortos, quovis modo leniat ac demulceat, sanguinem & humores in circulum æquabilem reducat & acrimoniam, si qua subest, corrigat. Commendari hunc in finem merentur præter infusa herbarum v. g. herbæ veronicæ, scordii, florum sambuci, bellidis, chamomillæ vulgaris & Romanæ, seminis fœniculi, pulveres bezardici, nitroso-cinnabarini, vel etiam nitrum cum pauxillo camphoræ, aut sequens Mixtura : Recipe spiritus nitri vel vitrioli dulcis, essentiæ castorei ana drachmam unam, camphoræ grana tria, quæ ad guttas viginti vel triginta sumi potest. Hæc duo remedia ad inflammations præservandas, a quacunque causa orientur, summi sunt præsidii loco. Si ex iracundia bilis nimia in copia ad intestina præcipitata fuerit, tunc non inutilem, sed prorsus eximiam opem fert pulvis ex rhabarbaro, nitro & lapidibus cancerorum compositus. Hac enim ratione non modo bilis acrimonia mitigatur, sed & blandissime edicitur ; adiici huic quoque potest magnesia alba, quæ non modo egregie corrigit acrimoniam humorum, sed & leviter subducit. Hisce in usum vocatis adjungi poterit Essentia cort. aurant. bene præparata, Elix. stomachale Michaëlis, vel nostrum cum liquore anodyno minerali nostro commixtum. Sed hæc hac vice circa nobilem hanc materiam sufficiant.

FINIS.

